

欽定古今圖書集成

方輿彙編職方典



欽定古今圖書集成方輿彙編職方典

第四百九十五卷目錄

西安府部彙考五

西安府山川考三

職方典第四百九十五卷

西安府部彙考五

西安府山川考三

通志州縣志合載

白水縣

黃龍山 在縣東北五十里以上色黃形如龍

故名

秦山 在縣西北五十里東連黃麓西接岍岐

其山蹊通廊延環慶有所謂暗門者最為險隘
俗傳秦王兵至此不得過下馬禱之山崩道通

東即洛水所繇入發脉邈迤從亥轉艮下臂逆
漆水結縣山極高寒雖晴久積雪不消冬日旭
射望之恆若立玉然

太神山 在縣西七十里山峰高峻儼若人形
每曉霽嘗見蒸噓出雲

白水 在縣西三十里源出同官受諸水入洛
氣如噴雪故名

洛水 在縣東三十里北抵黃龍山麓東折拱
南紀岡南走觸石怒沸過阿門村又東循五龍

山陰轉南入蒲按洛即古沮水漢書所謂西洛
水是也

鐵牛水 在縣北三十里背遶五泉東入洛

漆水 從同官東曲回趨南折東至臨川距縣

五里東南入洛禹貢謂漆沮既從今尚可指示

云謂漆即洛非謂漆沮俱耀州尤非蓋耀水徑
南入渭不得謂至朝邑方入渭也

虎頭溝 龍門溝 俱在西門外

鳳凰溝 在縣東五里

鉗耳溝 在縣東十里

韓城縣

龍門山 在縣東北八十里禹貢導河至龍門兩岸皆斷山絕壁相對如門唯神龍可越故名按縣志禹之導河則自積石至于龍門而龍門者韓北境之山也堯之時山障河流禹鑿山而壑之以通厥流若門然門之成也山海經謂應龍相之故于門上加龍字蓋歸功于神也按圖書編龍門山去軍城五里官道之旁懸壁環合

上透碧虛中敞大洞下漱清泉宛然天造水簾懸夏冰柱凝冬真異境也文潞公詩壺中別有境天下更無奇宋景文趙清獻王素韓絳田况呂公弼呂大防皆有留題行三里又有後洞蘇元老龍洞記自利至興行五百里幾半蜀道而巖洞之可喜者莫如龍洞重簷廈屋深不可窮唐沈雲卿詩長竇互五里宛轉復嵌空伏湍照潛石瀑水生輪風

鐸鎡山 鳳凰山 俱在縣北

八郎山 在縣西北

牡丹山 在縣西北

五峙山 在縣西北

三峽山 在縣西北

蝦蟆坎 在縣西北

猿山 在縣西北

梁山 在縣西北九十里隨地異名皆此山也

馬頭山 在縣西南

大象山 在縣西五里

橫山 在縣西

巍山 在縣西南

方山 在縣西南

天成寨山 在縣西南

晨道嶺 在縣西北

朱砂嶺 在縣西

麻線嶺 在縣西一百二十里

韓原 在縣東一十里即春秋秦獲晉侯以歸處

高門原 在縣西南二十里層阜秀出雲表

天鷲頭 在縣西

黃河 在縣東十里河源出星宿海

濠水 在縣南源出麻線嶺東流為白馬潭受

七水入河按縣志東流過石門離水自南入焉

又東過景封峪水自北入焉又東北過土嶺洫

水自西北入焉又東出土門過邑城轉而南澗

水自西入焉又南過陳村澗水自西入焉又南

過馬頭山澗水自西入焉又南過少梁澗水自

西入焉又南同芝水入于大河

芝水 在縣西二十三里源出方山東南流受

三水過芝川同濠水入河諸山水自西南來會

踰高家坡濠水自北來入焉又東過鑛薛遂水

自西南來入焉又東過呂莊沆水自西北來入

焉又東過芝川同濠水入于大河

盤水 在縣西源出硃砂嶺歷相公殿出馮峰

口東過薛曲里煖水自西南來入焉南過帶村

東入于河

華州

少華山 在州南十四里東連太華中峰曰少華峰東曰獨秀峰唐昭宗幸華州封爲祐順侯寧山 在州東南二十里之小敷峪上以宋時山摧下建浮圖以鎮之

蟠龍山 在州東南四十里一名潛龍郡守桑溥甘爲霖有惠政人名其山曰甘公山右峰曰桑公臺云

五龍山 在州南十里山岩有風穴風出輒傷

穀土人興祀禳之

阜頭山 在州東南一十五里宋時崩而餘半因名半截山一名復成山

聖山 在州西南三十里相傳陳搏賣卜于此龍耳山 在州西南四十里峰巒秀立如龍耳符嶠山 在龍耳山後符嶠之水出焉

鳳居山 決疑注云辛繕字公文治春秋讖緯隱居于此光武徵不至有大鳥高五尺鷄頭燕領蛇頸魚尾五色備舉而多青棲繕槐樹旬時

不去弘農太守以聞詔問百寮咸以爲鳳太史令蔡衡對曰凡象鳳者有五多赤色者鳳多青色者鸞多黃色者鷠雛多紫色者鸞鷠多白色者鵠今此鳥多青乃鸞非鳳也上善其言三公聞之咸遜位辟繕不起後人因以名山

馬嶺山 孫嗣祖埤史云水經注沈水出于馬嶺今郡志諸山俱依俗名獨不紀馬嶺亦一時之漏也

鄭南峰 在州西南十里以後周所移鄭縣名

青岡坪 互秦嶺之南界括地千畝居然一搯吭也其西南百里可達嶢關東南可通武關荆楚往來行客絡繹不絕

招峪 卽山海經符禺之山符禺之水出焉

灌峪 兩山相向中互長嶺卽山海經石脆之山灌水出焉而北流注于禺水者也

禺峪 在灌峪之西卽山海之英山禺水出焉北流注于招水者是也以其陽多箭籬後取以爲箭峪之名獸蹏鳥跡之道路極陜隘亦可達

青岡坪蓋屬于渭者也

仙人洞 在干崖東張三丰與華陽真人所居者

沉水 文獻通考載鄭有少華山灌水沉水沉水即唐之西溪漢桑欽魏酈道元名爲石橋水是也水經注云渭水又東與石橋水會故沉水也

灌水 即山海經之灌水也水出石脆之山北逕蕭加谷于孤相原西東北流與禺水合出英

山北流與招水相得水亂流西北注于灌灌水又北注于渭

馬跑泉 在里寺村西南相傳漢光武飲馬處
龍泉井 在蟠龍南嶺東深二尺許極旱不涸
嶺西亦有龍泉引之可至寺門

金沙灘 昔爲塍今爲砂塍在灌水東見垂慶
禪院碑

仰天池 有三一在太平峪山上有寺井古松
萬株在龍耳山之西嶺有二池碧頃渟泓深不

可測

渭水 在州北十二里

赤水 在州西三十里

敷水 在州東十五里唐開元中姜師度鑿以

洩水害刺史樊忱復鑿之使通渭按一統志源

出小敷谷流經華陰縣西北合渭河名敷水渠

天鵝池 在州東北十里互東西三十里

移山潭 在州東南郡人郭宗昌名曰白厓湖

勒字石上

華陰縣

太華山 在縣南十里山海經云太華之山削

成而四方其高五千仞其廣十里鳥獸莫居是

山爲三峰南曰松檜峰一曰落鴈峰李白登落

鴈峰嘆曰呼吸之氣可通帝座恨不攜謝眺驚

人句來搔首問青大耳卽此東曰明星玉女峰

西曰蓮花峰一曰芙蓉峰其上有太上全真崖

避詔崖卽陳搏臥處仰天池八卦池太乙池菖

蒲池黑龍潭二十八宿潭明星玉女祠玉女洗

頭盆石馬玉龜仙人掌石日月鎮嶽宮玉井卽
韓愈詩所稱花開十丈藕如船者博臺卽秦昭
王令工施鉤梯處又有石拆爲唐明皇投簡處
山腹有洞東曰昭陽西曰西元南曰正陽北曰
水簾卽總仙洞天登真隱訣云嶽洞深三百里
中有瑤臺玉室樹則蘇茅芳林泉則石髓金精
遙望洞中方圓丈餘鳥道絕通人跡罕到時出
異色雲氣洞口有石如丹青畫像冠帔衣服無
不周備號曰石仙人瀑布飛流

松果山 在縣西十里有佛頭崖雲覆巔輒雨
朝陽山 在縣境一名留翎巔世傳葬伯起大
鳥落羽于此故名

好漢山 在仙谷西以山勢雄壯得名

雲臺峰 在華山下東巘兩峰崢嶸四面陡絕
上冠景雲下通地脉巖然獨秀有若雲臺

白雲峰 在華山東北唐金仙公主出家之所

毛女峰 在華山下西巘秦宮人毛女所居

甕肚峰 在華山中方上唐明皇嘉其高迥欲

于峰腹大鑿開元二字填以白石諫官諫乃止
秦嶺 在縣南境屬洛分壤之界西接華郡東
抵潼關懸崖疊嶂高不可攀曲徑以通行人實
終南之一脉通志稱天下之大阻也

秦倉谷 在華山東卽楊儼隱處

寶谷 在華山東卽王遙隱處其水西北流曰
小澗自城南入長澗河

黃神谷 在華山東真人黃蘆子隱處谷口有
黃龍潭旱則禱焉宋封廣潤侯其水西北流俗

曰大澗南入長澗河

牛心谷 在華山東卽槐市楊震教授生徒處

甕谷 在華山西谷口環抱如甕爲商洛徑道

桃谷 在華山西入谷八里爲張果曬經處按

縣志以多桃得名

大敷谷 在華山西谷受秦嶺以北東西諸水

仙谷 在華山谷內卽張公超霧市

禁坑 在縣東南四十里今日禁谷以其盜關
者必由之途禁人往來權其征稅有水逕下通

洛入潼水

水谷 在松果山西

靈谷 在水谷西酈道元以泥泉水出焉

葱谷 在羅敷谷西水經擡頭之東北至莊子

村入河

太谷 在葱谷西

方山谷 在太谷西屬縣之西輻水不常有潦

則水從分界直北兼受華州諸水浸洑而東合

于葱谷水明正德壬申郡守桑溥引導北流今

令王九疇始修之水復故道

黃河 自龍門南下經本縣東北葫蘆灘寺南

至潼關折而東注寺南即渭亂河處水經注所

謂歷船司空與渭水合者也

洛水 在縣東北境闕駟以為漆沮之水焉至

葫蘆灘入渭明成化中乃崩入河俗曰三河口

是也其水無利亦無甚害

蒲谷澗 在朝陽山西其水北流稍西北轉稱

曰沙渠水北入清河達于渭

車箱潭 在縣西南二十五里深不可測宋仁宗每歲遣使投玉簡于此崇寧二年封豐潤侯為天下第七水府禱雨輒應按一統志禱雨者投以石其中若有一鳥飛出即雨

渭水 在縣北十里許源出隴西首陽山橫縣北境與朝邑分壤透蛇至寺南東北流入于黃河

鎬泉 按一統志在華陰縣東二十九里其水或湧或止俗傳以為河眼

蒲城縣

金粟山 在縣東北三十里山有碎石若金粟然

豐山 在縣西北三十里一名蘇愚

堯山 在縣北二十里亦名浮山昔堯時洪水諸山盡沒獨此山若浮

金幟山 在縣西北三十里高聳鋪張若懸旆蔚蔚然

白堂山 在縣東北三十五里一名良將谷秦

白起立寨於此因名

不群山 在白堂山前諸峰相接獨此孤峙一名孤山

馬塚山 在縣西北五十里北通秦山重岩複谷多藏盜爲地方患

銅斗山 在馬塚山南連富平萬斛山其勢峻峭而邃盤如斗

龍山 一曰五龍山在嶧山東

重山 在堯山前里許以與堯山有重疊之象

爲邑屏翰

紅土坡 在重山東左右列嶧堯遠視之若筆架下爲谿頭谿東一山卽嶧因舊志遺遂失其名詰之里人謂相傳稱嶧云甚秀麗

仙蛻崖 在縣北宋大中祥符間大旱尹馮舜臣禱雨應重修廟貌展石崖鑿丈餘見仙人骨枕肱臥故名

白馬谷 在縣西北四十里昔傳朝暮有白馬影見谷中

蟠龍原 在縣西南三十里唐明皇遊此見雲霧中有黃龍狀乃於下得石狀似蟠龍故名

洛水 在縣東南按縣志出洛源廢縣經延安鄜州洛川合諸水至中部南門外合沮水經宜君白水澄城入蒲境合南河水始大折而西南流八十里過同州朝邑從渭人河明成化後徑入河

南河水 在縣境卽同官烏泥川合諸水東流入洛按縣志出車挽溝合漢井泉入蒲境歷下

馬宜陽通泰加祿諸里東流納白石水龍門溝虎頭溝諸水自五龍山陰入洛

溫湯 在縣南六十里

東鹵池 在縣南二十里卽安豐灘唐大德十二年東池生瑞鹽後敕禁不復生然亦出鹹迤西爲陳莊灘出硝近以蓬蒿燒灰煮成鹽或扭其汁可爲鹽土人以利薄而不爲

西鹵池 在縣西南四十里卽明斗村與高春渚池遇旱亦不涸鄉人取水熬鹽供一方用近

因人工貴多廢漢書宣帝微時嘗困於蓮勺鹵
中卽此

晉王灘 在縣東南三十里洛北崖附近地出
鹹較諸灘味厚且饒貧家采熬之注水結塊名
鹹墮涇原諸邑多用之惟晉王鎮一區有焉遇
澇則減

白鹵泄渠 在縣南四十里與甘池八公灘通
西連高春渚產硝東南數里爲洛北洛南二鎮
有溝澗兩崖土可煎鹽鹵水泛溢泄於此

耀州

東乳山 西乳山 在五臺山石洞南二里
兩山蜿蜒類乳形合抱州城漆沮水環合山下
從山隙中出故名

安君山 在磬玉山東

將軍山 在安君山東王翦祠在焉

石嘴山 在大三石山東南

寶鑑山 在將軍山東年豐則山有光如鑑州
得名以此

牛耳山 在州西北十八里以兩山東西分類
牛耳

高山 在牛耳山北五十里人稱曰高山神

玉女山 在天活堡北十五里有玉女堡

磬玉山 在州東五里出青石唐天寶中取為

磬遂廢泗濱磬東有巨穴出風為風孔山

三石山 在州北六十八里山脊有三石峯

小三石山 在橫嶺東三峯屹立如塔形

五臺山 在州東三里五山對峙頂平如臺東

曰瑞應南曰起雲西曰昇仙北曰顯化中曰齊

天山盡柏數十里即見焉有唐孫真人隱居石

洞按州志在終南者曰南五臺此號北五臺

笠子山 在唐家堡東五里

石臯山 樹子山 耙樓山 俱在笠子

山東南南接同官武王山

大唐山 在州西北七十里

金圭山 在唐山東北

鳳翼山 在金圭山東南

車蓋山 在金圭山東南西入淳化境

碁盤嶺 在金圭山北有寒山仙蹟

箭榦山 在碁盤嶺東北山尖聳如箭故名

照金山 在太子堡東傳言山有光雨後照人

衣如金色

錐子山 在箭榦山東北其尖聳如箭榦山

石門山 在分水嶺西北山雄勝最為西北要

害今屬三水明置巡檢司築石城關門

長條嶺 在私鹽堡北延亘三十餘里率仄徑

僅容人行

橫嶺 在長條嶺北即金楊達夫遇害地也有

達夫廟

摩天嶺 在小三石山東其高計二十里

鴻鵠嶺 在摩天嶺東

分水嶺 在七里川西北

神水嶺 在石嘴山東

太子石 在鴻鵠嶺東有石洞懸崖中東入宜

君境

落星原 在五臺山石洞南三里

北陸原 在石川河東南

鶴鵲谷 在州南三里卽漆沮交投處俗名岔

口

奇峰洞 在三石山麓洞滴冰成泉曰天漿

上木門 中木門 下木門 在高山北

十里山坡相去各三里今無門

尹師澗水 澗在五臺山北五里舊有羽士尹

師宅故名自澗過城東經五臺山至乳山下合

沮水

沮水 在州西門外自宜君界來受諸水至州

南三里會漆入石川水喬世寧曰關中言漆沮

者多異惟耀州之漆沮在灃涇之下正與禹貢

合考雍錄辨雍地四漆沮甚明

漆水 在州東門外自同官界來入沮水按一

統志源出扶風古漆縣西北

濁谷水 出州西北甲池堡南馬鞍口南流二

十里爲寶泉河又南爲涼泉河又南至三原樓

底河又東過張村分數渠灌田至唐村無復河道矣

清谷水 一名清河出州西北石門山麓南至小丘合環河

環河 自大唐山經金圭車蓋二山東南與清谷水合南流經三原東至相橋入石川河

澗谷河 出州西北孝義鄉焦砦村水清見石子俗又名見底河

申家河 在澗谷河東南

魚池河 在申家河東南

趙氏河 在魚池河東南

楊秀川 宜君水 鄭川 大峪河

紙房河 姚谷川 姚谷河 石嘴河

府西河 偃頭河 胡思泉 錦陽川

梁家泉 石川河 北陸川 薄臺川

澤多泉 在薄臺川南

溫泉 在薄臺川南冬不冰魚大者滿尺

同官縣

金山 在縣西北

虎頭山 在縣西狀若虎踞故名巖下有水清

湧不竭流引縣治中

濟陽山 在縣西

嶂山 在縣西以上三山皆為邑城所附

龍蟠山 在城東狀蜿蜒如龍與虎山對峙

西高山 在縣北三十里

北高山 在神山峽北十里長安志層峰秀出

巔有女華神祠每大風雷多從華嶽至此舊傳

華嶽女君在此人因立祠每旱禱多應山之北
入宜君境

馬蘭山 在縣北二十里即都尉張光戍守地

女迴山 在縣北四十里相傳孟姜女負夫骸

回經其下追兵將至山迴遮之因名

潤山 在縣西北十里中有一石每潤則雨一

曰聖水山

文王山 在縣西六十里上有文王廟與武王

山相峙

飛仙山 在縣南二十里中有石洞爲稚川仙蹟

鰲背山 在縣東二十五里岡巒狀若鰲背

武王山 在縣西有武王廟

白馬山 在縣西南有白馬廟南入耀州境

三泉山 在縣東南三十里與耀州將軍山接

兔窩嶺 在鳳凰原南

金牛嶺 在兔窩嶺稍南通志云牧兒遇虎於此會牛與虎鬪牧兒得兔秦王親射虎嶺上獲

之因名其嶺

神山峽 在女迴山東其峽路通邊甚爲險阻

鳳凰原 在飛仙山南

烏泥川 在縣東北十五里出車挽溝合漢井

水東流入蒲城境

小石盤川 在縣北四十里循馬攔山合大石

盤川東流入宜君

銅官川 自縣北五十里來水經注曰銅水出

葭棚城東北西南流經同官謂之同水卽禹貢

沮水之原合慈馬諸川經縣北子午嶺受榆谷水南流與漆水合

雄同川 在銅官川南

雷平川 在雄同川西南又西南入耀州境二

水歲溢而善崩甚為城患且終縣境無灌溉利

哭泉 在縣北境相傳孟姜女負夫骸骨哭之

泉湧出

方泉 在縣中濟陽山下甘冽異常宜酒宜茶邑人咸賴之

清廉泉 在縣署內以昔有廉官稱

漆水 在縣北境來源多漆水故名受同官川

水入沮

乾州

梁山 在州北三十里昔太王去邠踰梁山即

此邠陽亦有梁山非太王所踰者

五峰山 在州東北五十里

鷄子堆 在州東南十五里

武水 在州西南三十里源出麻亭嶺西流入

渭按州志卽漢谷河

武亭河 在州西四十里源出鳳翔府麟遊縣

界經州西四十里入武功縣界合渭

甘谷河 在州北二十里源出永壽縣界經州

東北四十里入醴泉縣界合涇

沙溝泉 在縣東十里

武功縣

東原 在縣東其南與雍原相直或曰通西原

皆謂雍原云

雍原 卽縣西原城所附者古周原也舊志諸

山今屬郿岐扶風本縣不載

武亭川 卽縣川

漆水 在縣東門外今謬爲武水者也自豳岐

之間來縣北受浴水南受漳水入渭

浴水 乾州西夾道水也亦從豳西梁山來

漆水 在縣東門外非漆沮之漆文翔鳳豳谷

考亟辨其誤按二漆水同名不同源故并載之

漳水 在縣南入漆按縣志卽圍川水自扶風

東門外受鳳泉水至縣南從漆入渭

良溝泉 在縣北十五里明永樂初湧出

建子溝 在縣南十七里近慶善宮

永壽縣

烈山 在縣東二里上有烈山神祠

天堂山 在縣西北十里石洞如堂

明月山 在縣西南八十里夜望之如明月故名

名

崦山 在縣西南九十里其山巍然故名

武陵山 在縣城內有武陵寺後魏平陽王熙

建古塔一座

五峯山 在縣東南五十里

梁山 在縣南八十里始皇建宮城皆文錦一

名織錦城

灰堆山 在縣東三十里

盤道山 在縣西五里

石牛山 在縣西一十里有石牛神廟

分水嶺 在縣北一十里下有泉分流南北故

名南即惠民泉源

沙凹河 在縣西南六十里

指盤河 在彭村里不涸不溢泉內有吼聲則

風有砲聲則雨

東河 在縣東一里

武亭河 在縣西一里

錦川水 在好時鎮東源出麟遊石多錦紋故

名

漆泉 在縣東北四十五里色如漆故名

靈泉 在縣北七里

平泉 在縣東北二十里平地湧出味甘久旱

不涸

溫泉 在縣西南三里隆冬不凍

醴泉 在彭村里遇旱聞泉中吼聲即雨按縣

志泉南有土橋水過橋南泄澗下如人穢汚則

不逾橋而滲入土中待暴雨衝盡穢氣水復出

俗呼為神泉

瀑布泉 在縣西南祁家坡飛流直下產婦汲

之則水不出禳祭後復出

沐浴泉 在縣西北二里

麻池溝 在縣南十五里

庵頭溝 在縣東五十里

美井 在縣南四十里

甘井 在縣西南二十五里

邠州

鳳凰山 在州界

明岨山 在州西十里

龍柏山 在州北三十里山形高聳上多叢柏

邠山 在州南州依以為城

紫微山 在州城南上有宋金屯兵砦

壽山 在州城外東南高峻平頂舊有茂林修

竹之勝

邠岩 巖壑敲嶽委曲百折猿啼鶴唳瀑布飛

濺

邠谷 在州東三十里即公劉立國處

涇水 在城北東流入涇陽

汭水 在城西出隴州汭源縣苙蒲藪東入於涇詩謂苙鞠之卽者此也

大峪水 在城東三十里文翔鳳函谷考謂率西水許者卽此

水簾洞 在州西十里按州志在明岨山之麓洞中有水流出深不可極

漆沮 按禹貢雍州漆沮既從蔡氏曰漆水寰宇記自耀州同官縣東北界來經華原縣合沮水

洪龍河 在州西卽過澗

水簾河 在州西十里

三水河 在州東三十里

南河 在州城東卽皇澗

黑水河 在州西四十里發源崇信縣至邠入於涇

安化河 在州西二十里

公主川 在州東南唐姜慶尚新平公主賜第

於此

惠濟泉 在州東

錦谷泉 鳴玉泉 一碗泉 俱州東

惠民泉 在州西翠雲庵下

仰天池 今涸在州西南七十里

池河 不溢不涸

三水縣

石門山 在縣東六十里兩山夾立如門俗傳秦扶蘇賜死處碑剝落不可攷秦獻公二十二年與晉戰于石門卽此南入浮化界按縣志亦

名堯門堯鑿之以洩洪水至漢更名石闕在邑東南爲豳國之鎮高峻插天對峙如門以漢武於此立闕而爲名也子午之脉隆結以爲峰焉文太青題云唐堯鑿龍門通雍州之上界周武陟豳阜望雒邑之絕峯

石嘴山 亦名馬闕在縣東十五里三面壁立如削一徑蜿蜒若繆水經其下灣環而回抱可立砦以禦兵馬

翠屏山 亦名掛榜豳雅稱爲南岡者蔽邑城

其若屏鑠水口以如礪蒼翠欲流一縣勝地峯尖有孫真人行祠元夕並二月二日隨山布燈燦若列星焉

焦家山 在掛榜山之南五里荒岡湧起極目荆榛迤東北則萬壑競秀也

戴家山 在縣東南自石門之北而折入焉林木陰翳千巖環拱不復有平壤矣

蘭陵山 東抵縣六十里日出銜山丹霞掩映誠羽客之靈宅奧區灑然出塵壑外

神林山 在縣東七十里因上有舊建茂公祠而得名也祠雖久廢吞雲吐霧若有靈氣磅礴焉

鳳凰山 在縣之西北隅岡若鳳形

蟠龍山 在縣西三十五里蜿蜒盤礴繞疆土而迴翔之則幽之形勝也

劉家山 在縣東四十里舊有炭窠歲供窰場邑民資之康熙年間秋雨崩陷遂失其利

雞阜山 在縣東二里

肖塔山 在縣東七里形肖浮圖天然聳插故名

幽山 卽今立縣處在翠屏山旁詩所謂南岡者是也

分水嶺 當邑之東北九十里爲幽山之祖亦幽水之母也其嶺上接子午北入大漠嶺東爲延州西爲慶州慶之九川畫地而爲幽

堡嶺 在縣東三十里卽漢之左谷後秦時姚襄於此立寨三百六十而堡嶺其一也嶺之連

蜷似龍上有元人所建蘭若形勝殊奇而支之旁出者俗名龍鬚孝子文少蒼易名龍山種側柏千株翠色欲滴清泉瀉以百尺峭壁峙其三面攬勝探幽者遊屐不絕文倬天有龍山八景詩以紀其事

中嶺 在堡嶺之右巖覆數丈可蔽風雨其麓有官家桑村二洞陶復曲折宋元明之士民多避烽其中

攢天嶺 在石門之南峻矗切雲周回以登巍

乎若上天門之九關也文太青過此改名捫天
黑石巖 在縣東南五十里巖色黝溜似漆壁
立萬仞林木陰翳人跡所罕到

觀音巖 在趙洞之左谷中上則藤蘿垂蔭下
則漣漪紆曲且石室階下靈湫清湛深不可測
凡遇曠乾祈雨輒應

甘谷 去邑十里為赴省孔道商旅所往還焉
水疇高低衢柳參差南上五里之長坡通古公
原

白虎峪 在縣西北十五里唐鄭谷詩峪平白
虎藏岩洞即此

桑村洞 在官家洞之左或云元西臺御史桑
哥失里所穿門依碧流崖懸柏靄久為攬勝者
所取 按桑村洞已見中嶺下茲特載其詳

趙家洞 亦名琅天去邑二十五里光祿文太
青生於洞陽之柏下其巖深長寬平可作檻以
眺遠內有石屋日月時入其牖烟雲常繞其梯
文龍軒為賦以紀之

流石洞 在琅天洞之右洞開谷中環繞如城而外巖對峙爲門遠睇曲水平田悠然有枕流之思

白石洞 在縣東七里文倬天種桃百株於其麓改名爲桃源洞春月紺紅如錦清流若帶奚啻武陵焉

官家洞 在縣東三十里相傳漢盧芳所鑿峭壁三百尺下臨汎水高下各數十窟可容數百人中有二井蓋避兵之絕險者沿川上下數十

里處處有之隨地異名惟官家爲最著按縣志亦名飛雲洞在中巖之下卽古公時之陶復陶穴者陶穴則土而陶復則石也峭壁危巒不可攀援村人避兵於其中少叅文和一所稱棧道連雲石梯落霞爲鐫碣以記之

按洞名見前茲特載其詳

梁渠川 在縣北二十里

七里川 在縣東南接壤其坪舊爲寧谷驛山迴而水折去佛面不遠乃山徑之中逵

勅修川 在縣東北爲後秦姚襄而得名也其

源出分水嶺經乎延川澎湃南奔合皇澗達於涇水

汎水 在縣南門外即三水河源發宜君西流入涇

皇澗 在縣北三十里當溥原之後澗大故稱皇可夾而居也俗訛名為支唐川

過澗 亦名梁渠在縣西北一十八里即文與可丹淵集所稱三泉之炭泉者澗起於溥原自北而西南過其境謂之過澗焉文光祿謂汎川

及兩澗迺三水之總名也

東澗河 在城東賓陽門外清流如綫環堞而注於汎水昔人有導之以入城者今廢

西溪河 在城西志岐門外左繞城根右環槐堡學圃者多引灌為利夏秋雨多澎湃橋宜防

備

連家河 在縣東十里發源石門繞中嶺北流入汎水凡山寇往來多經此路

溫泉 在寶峰峪中其流出為溫涼河迺寒不

冰蘊隆生涼且清甘如飴也

堡嶺泉 名龍泉亦名天池在堡嶺絕頂兩面石壁數仞泉自嶺上直流而下徑達堡中昔元人據堡嶺汲飲不斷者賴此

玉泉 在縣東二百里玉泉觀之左味甚甘美淵源丈餘水浮岸平或澣穢衣卽涸禱雨於此立應

稍泉 在縣東三里從山麓中湧出產蟹

白馬泉 在縣東大像寺之下以上三泉縣所

由名按縣志其色紺碧每歲陰雨則伏而不流
噴乾則湧而溢出人竟莫測其異

金泉 在縣北二十里半川村其水色黃鄭谷詩地湧金泉過石門卽此

觀音湫 去縣二十里在石室之下深湛如淵
豐草環翳凡遇天旱禱雨靈感或爲神龍之窟宅也

萬壽湫 在縣北三十里唐大曆間因風雷而成今涸

石門湫 亦名乾湫在秦太子扶蘇廟之下林木芊蔓曠乾祈雨虔誠乃應如甘露或見於屋梁樹杪間注之瓶以禱此湫之神異者也李邑令重修其廟而懸之扁

淳化縣

甘泉山 在縣東北九十里一名石鼓原按縣志關中記曰甘泉宮在甘泉山上漢書單于烽火通於甘泉即此

石門山 在縣北六十里山有石如門

仲山 在縣東南二十五里

嵯峨山 本名截嶺俗名嵯峨在縣東南五十里西南屬涇陽東南屬三原西北屬淳化蓋三縣山也雲陽宮記曰東有慈鵝山山頂有雲起即雨人以爲候昔黃帝鑄鼎於此山

大唐山 在縣東四十里又名辰頭嶺俗傳唐時嘗於此取茶

鳳凰山 在縣東北三十里

五鳳山 在縣西三十五里五峰如鳳即五龍

谷也

巴山 在縣西南十五里

牛首山 見甘泉宮

棋盤嶺 在縣東北二十五里

石蛇阜 在冶谷河中有石阜如蛇狀

張果老崖 在縣東北七十里

五龍谷水 在縣西四十里水經注曰五龍水

出雲陽西南

涇水 在縣西南二十里按縣志自邠州界來

經洪口堰出涇陽縣東南入高陵縣界

冶谷水 卽縣河水出流至二原謝家村與谷

水合

甘泉水 出石鼓西原傳其味甘美異於他水

姜源水 在縣西北四十里流入涇文翔鳳幽

谷考甚詳

金泉 在縣南三十里按縣志又名觀音泉世

傳其水甘香日昏者洗之可明雲陽宮記曰泉

出數穴清澈無底雍州記曰有人見有金色從

山中照水往取得金故名

臨江潭 在治水出谷之處俗呼為龍潭政和

三年有人刻石於潭之東山見存

淳化河 在縣東自石門山出東流入涇陽縣

界

乾溝河 出本縣地

通潤溝 出本縣入涇

白龍泉 小師泉 馬跑泉 以上三泉

未詳其地

長武縣

宜山 在縣南二十里按縣志山形似宜字牛

相公別業故址

靜山 在縣南十五里

神龍山 在縣北十五里其山產蛇寸許有兩

角

馬鞍山 在城南二十里

香山 在城東南三十里

翔鴈山 在城南十五里舊志云頸引於河兩

翅大張

回龍山 在城東四十里峯回西顧

畫閣山 在城南三十里山下有畫閣寺舊壯

麗今狹小乃誌公和尚說法處前曰錦屏後曰

大雄左曰龍降右曰虎伏旁有泉冬月不凍曰

溫泉

龍纏峰 在城西南十五里河水一匝而東今

土人建堡

集賢岡 連城附壑上有唐英公祠觀音閣

涇河 在縣北二十里東入渭

黑水河 在縣東四十里按縣志南十里至停

口入涇

秀水 在城南十里

漆水 在城東四十里入黑水河

通濟泉 在北城下清冽甘香邑人賴之

三泉 在城西北二十五里

龍女泉 在城東北三十里即柳毅傳書處

馬跑泉 在城西南二十里去河最遠有楊家

少婦取汲歸家遇奇人於此乞水飲馬婦不吝飲畢馬跑地出泉至今居人賴之

潼關衛

鳳凰山 在衛治西南山凸高聳獨峙因以為城

麒麟山 在衛東南有田千餘畝人耕其上名曰上寨

蝎子山 即象山在衛城內西南按衛志山上有田百畝曰黎家坪

筆架山 在衛治東南

印臺山 在衛治東南

牧牛山 在城東南即武王放牛桃林處

秦嶺 在城南三十里

留翎山 在城南三十里相傳葬楊伯起大鳥

去留翎處

龍文山 在城南二十里

董社原 在城東南楊元感起兵與宇文述戰

此

瑞村原 在城西南十里

金盆原 在城西南十里

孟村原 在城西南十里

潼峪 在城南三十里

水峪 在城南三十里

蒲峪 在城南三十里

麻峪 在城南三十里

大峪 在城南四十里

禁峪 在城南三十里谷勢壁立望者禁足或

言設險守國功令禁人往來云

黃河 在城北門外

洛河 在城西北自華陰縣洛口入黃河

渭河 在城北自華陰三河口入黃河

楊家河 在城西門外入黃河

潼水 源出四川之梓潼流貫衛城北入黃河

原望溝 在城東門外入大河俗訛傳為閻王

溝

古今圖書集成
職方典第四百九十六卷
西安府部彙考六
水利附
漆渠
漕渠
春穿渠通渭

職方典第四百九十六卷

西安府部彙考六

西安府山川考四 水利附

通志州縣志合載

本府 長安咸寧二縣附郭

漆渠 在府城西三十里秦胡亥將運南山之

漆而開此渠

漕渠 在府城西一十五里漢武帝元光六年

春穿渠通渭

清渠 在長安縣西五十里自鄠縣界來經縣界一十里入渭

清明渠 在府治隋開皇三年引潏水入城

永安渠 在府城南隋開皇三年開引交水西北流入城

香積渠

在長安縣隋開皇三年引北水西北

流入城

通濟渠 在府城西南明成化初知府余子俊

以居民苦城中水鹹飲輒病爲開新渠引交潏

二水行地中匝徧城市人得戶汲明末寇踞渠

塞

皇清巡撫賈漢復捐俸修濬仍復其舊

灃水 在府城西南四十里北流入渭括地志

曰灃水渠今名賀蘭渠東北流注交水

鎬水 在府城西北一十八里鎬池廟記曰長

安城西有鎬池在昆明池北周匝二十一里漑

地二十三頃

渭水 在府城北三十里淮南子云渭水多力

宜黍

太平河 在長安縣

高官河 在長安縣

滌池 在府城西北二十里詩滌池北流浸彼

稻田是也亦名聖女泉

石闌堰 在府城西南三十二里漢武帝元狩

三年穿昆明池所造

私泉 在長安縣南二十里

龍首渠 在府城東南隋開皇二年引澆水北

流入苑五代後廢宋大中祥符七年知永興軍

陳堯咨修復

明渠 在咸寧縣東漢時渠也

黃渠 在咸寧縣堰水上少陵原東流入澆水

澆水 在府城東一十五里合金谷水北流入

渭

灃水 在府城東二十里合藍谷傾谷諸水入

澆水北注於渭

暖泉 在咸寧縣以上諸水見資灌溉

永通渠 隋開皇四年開縣西北渭水與城堰
初名富渠仁壽四年改永通

碌碌渠 溉地一百餘畝

西馬房水渠 溉地一百餘畝

閻家古渠 溉地三百餘畝

國草渠 溉地一百餘畝

古渠 溉地九十餘畝

龍首堰 在瀉川馬頭空

香積堰 古志通交水達長安城中今廢其地

屬長安

咸陽縣

典成渠 在縣西一十八里秦漢疏濬以通漕

運可罷車輓之勞唐李石為相奏咸陽令韓遼

治之今廢

澧水 在縣東南三里詳見前

東泉頭 在縣西十里

西泉頭 在縣西十五里

中泉頭 在縣西十里

馬跑泉 在縣西二十五里

李村泉 在縣西

下村泉 以上諸水見資灌漑

漢漕渠 孝文時鄭當時奏引渭穿渠上以為

然令水工徐伯表率卒數萬穿之二歲而通以

便民灌田且漕運今廢

隋漕渠 開皇四年作興成堰引渭水至都名

富渠仁壽四年改曰永通渠今廢

唐漕渠 天寶二年京兆尹韓朝宗引渭水入

金光門置潭於西市曰廣通以貯材木今廢

渭水 西通材木東泛商船是天地間自然之

漕運也而米粟入晉雖遇凶荒亦不能閉糴

泥渠 在縣南十五里出鄠縣化羊谷十道志

名扈水上承扈陽池經釣魚臺入渭

東泉頭 在縣西十里灌田二頃五十畝

西泉頭 在縣西十五里灌田二頃七十五畝

中泉頭 在縣西十里灌田三頃三畝零

興平縣

成國渠 在縣北一里魏尚書右僕射衛臻征蜀所開上承汧水合韋川莫谷香谷武安四水漑武功興平咸陽高陵等縣田二萬餘頃俗號為白渠言其利與涇白二水相埒也

五泉渠 在縣西一十二里隋文帝葬三時原上因絕此水

昇原渠 在縣南一十五里漑田七十餘頃以其昇原而流故名之

普濟渠 在縣南一十里漑田七十餘頃

清渠 在縣南二里以上諸渠今俱涸

湯臺泉 在縣西一十五里

板橋泉 在縣西一十七里

馬嵬泉 在縣西二十五里漑田二十餘頃

史家泉 在縣西三十五里

徐洪泉 一名永濟泉在縣西南二十里即古

清水泉湮沒久遠變為桑田順治十五年知縣

徐開熙典史洪廷憲開故名灌溉七村一十餘

里

朱章隄 在縣東一十五里明嘉靖年知縣朱文修四十二年知縣章平又修故名

宋泊 在縣西二十里周四十里

百頃泊 在縣西二十五里周四十里

曲泊 在縣西南一十五里自宋泊而下並有

捕魚之利隋開皇十五年各築隄防護今俱廢

馬牧澤 在縣東南二十里南北廣四里東西

袤二十一里

臨潼縣

新豐渠 在縣東二十里灌劉朝宗等田三頃

八十餘畝

清渠 在縣西耀州青野谷水下流

白渠 在縣西北六十里

五渠 在縣西

中白渠 別見高陵

中南渠 別見高陵

折波渠 在中南渠北

高望渠 別見高陵

隅南渠 在高望渠南

戲水 在縣東二十五里出驪山鴻谷中有二

一灌馬聰等田一十三頃餘畝一灌王居豐等

田二十餘頃

石川河 在縣東一百八里見溉田數千畝

溫泉 在縣南驪山下灌何朝宗等田四頃九

十餘畝

寇公渠 在縣北七十里自富平繞斷原而南

蓋寇萊公堰漆沮水以灌民田者也今尚有殘

碑

陳家溝水 灌靳應詔等田四頃二十餘畝

陰盤阿姑泉 灌王十等田一頃餘

陰盤東水 灌許天祐等田五頃餘

冷水 灌孫現等田二頃餘

七里鋪水 灌姜爵等田二頃餘

斜口水 灌吳現等田三頃餘

東西行者橋水 一灌劉三兒等田二頃餘一

灌拜孟現等田二頃二十餘畝

蒼坡底水 灌喬守忠等田一頃五十餘畝
清水溝水 灌范十五等田四頃八十餘畝

高陵縣

白渠 自涇陽縣界至縣界彭城兩下分爲四
渠并溉民田名劉公渠彭城堰

中白渠 自彭城閘東流至櫟陽北入清河袤
三十里

中南渠 在中白渠南七里經孝義坊入清河
袤五十五里

高望渠 在中南渠南至臨潼境入渭袤五十
五里

隅南渠 以上四渠皆唐高陵令劉仁師開
昌連渠 卽中南渠支流元至元七年高陵令

王珪引渠入城中以上諸渠見資灌漑
鄠縣

澇水 在縣西二里

栗谷口水 在縣南源出於清涼山入於澇又
修入白公河皂谷口水亦然

阿福泉水 在縣南入呂公河

太平谷水 在縣東南三十里即清水渠之上

流也今分爲衆流以灌稻田

檀谷水 在縣南長樂渠之上流也

澧水 在縣東詳見前以上諸水見資灌漑

呂公河 在縣南明初知縣呂仲信開

白公河 在縣南即呂公舊河知縣張宗孟增

開西南二面引澧水入焉秋冬灌田任民自便

三里河 在縣北知縣張宗孟開灌中原渭曲

興仁三里地

胡公泉 在縣西南十里昔虞胡公引以灌田

白沙泉 在縣西

冷泉 以上三泉見資灌漑

漢陂 在縣西五里周一十四里今其地爲百

姓水田

藍田縣

石門峪水 在縣西南四十里合荆峪廣峪諸

水自白鹿原東流入澧

玉山水 在縣西三十里

木峪溝水 在縣西二十里居民引以灌田

雙溪水 在縣西二十里灌田數百畝利與諸

河水同而無奔騰漂蕩之患

土膠河水 在縣東半里以其混濁不清故名

之明嘉靖二年知縣王科鑿渠引水入城

灞水 在縣東南二十里即古滋水

鞏谷水 在縣南八里

庫峪水 在縣西南五十里北流合澆入灞

採峪水 在縣西南三十里

清河 在縣東南即古藍水西北流入灞

焦岱河 在縣西三十里北注於灞以上諸水

有通渠灌田之利近有衝崩之患所宜疏濬

市北里薛家等村水渠 八道共灌地八頃七

十四畝退灘地二百四十七畝八分

青侯里羅李等村水渠 十道共灌稻地十五

頃四十六畝一分退灘地六十九畝

侯村里杜榜堰等村水渠 十道共灌稻地十

頃九十三畝三分退灘地六十二畝五分

畱慶里馬家灣水渠 十道共灌稻地八頃六

十畝五分退灘地七十畝三分

東西里穆家堰等村水渠 八道共灌稻地三

頃五十九畝

吳畱里西寨等村水渠 十道共灌稻地三頃

七十八畝

开張里席家等水渠 二道共灌稻地五十二

畝退灘地六十四畝

岳坊里咽瓠等村水渠 五道共灌稻地二頃

九十八畝五分退灘地十畝

故景里雙水磨等村水渠 二道共灌稻地三

頃一十一畝退灘地五十五畝

樊王里陽空寺等村水渠 三道共灌稻地一

頃一十三畝

黃甫里真武等村水渠 七道共灌稻地一十

七頃三十七畝九分退灘地七十七畝五分

翟馬里湯浴川等村水渠 四道共灌稻地五

頃三分退灘地八十五畝

焦吳里蘆子溝等村水渠 三道共灌稻地六

十八畝六分退灘地七十畝

涇陽縣

鄭國渠 在縣西南七里秦時韓命木工鄭國

間說秦鑿引涇水自仲山西抵瓠口傍北山東

注洛二百餘里溉田四萬餘頃收皆畝一鍾於

是關中為沃野無凶年

六輔渠 漢元鼎間倪寬為左內史奏穿此渠

以益溉鄭國旁高仰之田今廢

白渠 自縣西北六十里引涇水南行至縣北

五里立三限閘以分水北曰大白渠中曰中白

渠南曰南白渠大白渠之下為刑堰刑堰之上

渠分為二北曰務高渠南曰平臯渠中白渠之

下二十里為彭城閘渠分為四北曰中白渠南

曰中南渠又南曰高望渠又南曰隅南渠中南

渠之下北分者曰折波渠南分者曰昌運渠獨

南白渠無分其分水以三限及彭城為要地北

限入三原櫟陽雲陽中限入高陵三原櫟陽南
限入涇陽立斗門以均水凡為斗門一百三十
有五太始中趙中大夫白公開在鄭渠上流
豐利渠 宋大觀中詔開石渠疏引涇水下與
白渠會溉田三萬五千餘頃所謂洪堰是也
新渠 元至大元年西臺御史王琚建言更於
宋渠之上開石渠五十丈下入故道
廣惠渠 明成化中巡撫項忠開鑿在新渠北
今用之以上諸渠名雖數更然實止一渠故自

漢至今皆稱曰白渠云

上王公渠 在縣西北

磨渠 在縣西北

下王公渠 在縣西北

上北泗渠 在縣西北

仙里渠 在縣西北

天津渠 在縣西北

高門渠 在縣西北

廣利渠 在縣西北

海河渠 在縣西北

暢公渠 在縣西北明弘治初知縣暢亨開故

名以上引治谷水

原成渠 在縣北

公進渠 在縣北

下五渠 在縣北

木丈渠 在縣北

廣濟渠 在縣北以上引清谷水

涇水 在縣南

冶谷水 在縣西北五十里雲陽北勢高仰涇

水不及遂引此水築為七堰以溉近山之田

清谷水 在縣北六十里

三原縣

鄭國渠 自涇陽來詳見前

六輔渠 詳見前

中白渠 詳見前

北白渠 二渠自涇陽界來穿城流往東南見

資灌溉

毛坊渠 在縣北三十五里見漑毛坊陽杜二里田

公進渠 在縣北首起谷口尾抵本縣漑長孫等里田

原城渠 在縣北見漑閭村等田

五渠 在縣西北上五渠漑畱官東陽武官杜村四里及涇陽太陽丁糧西朱坊南等村田下

五渠灌小畦唐村張村三里田

木帳渠 在縣西北一十四里以上五渠引清

谷水

清谷河 在縣北十五里出谷口西南與冶谷

水合經縣北門外東流至臨潼縣界入於渭

濁谷河 在縣北東流漑民田其水峻急渾濁

故名

五龍泉 在縣東北三十里五泉合流民引灌

田

白馬泉 在縣東北四十里亦名神泉

長孫堰 在縣北二十里

馬牌堰 在縣北二十里

木王堰 在縣東北二十五里以上引濁谷水

凡三堰

邢堰 在本縣西陽里邢村不知防於何時蓋為白渠北限地高水勢不能及遂引清冶二峪水於此截河為防堰其水與涇合流以溉本縣櫟陽并渭南屯所之田其堰長四十餘步其下水分為二渠北曰務高渠南曰平臯渠中有深溝一道蓋古白渠之故道也至今人名其溝曰

乾溝又本縣西北一里許清河南岸有古渠一道南抵白渠岸上流轉灣處亦有古渠一道繞北關迤邐東北而去宣德間完然具在後被人侵占存者不多渠首之地人亦謂之邢堰蓋邢村堰廢之後而作此堰故仍稱舊名今亦廢今清河深浚其水東南流至臨潼界入渭河不與白渠水合流白渠水在清河之南不復過河北止溉本縣清河南地方田地一千四百一十三頃二畝一分五釐

蓋屋縣

靈軹渠 在縣界漢武帝穿

韋谷渠 在縣西南三十五里自南山流經清

化店溉田北入於渭一名廣積渠

漆渠 詳見前

渭水 在北五里漢武帝元光中大司農鄭當

時建言引渭起長安東至河三百餘里可灌渠

下民田萬餘頃及渠成民頗得其利

黑水 在縣東十五里

田谷水 在縣東南三十五里

白龍泉 在縣北城下以上諸水各灌田百餘

頃久為民利

車谷水 東正流經棗園寨昌谷坊七渠灣侯

家廟北散漫民田支流為紅龍渠堡子頭棗園

寨關河陳家村入澇池

強谷水 出谷五里至史務歡樂陽化東北入

渭

稻谷水 出谷灌田十餘畝經史務入強谷水

四里經耐山寺寺前有泉至袁家舍合暖泉水
經師家巷陳谷坊至中望渠散漫民田巡道袁
養和爭之與南望處分灌

西駱谷水 東正流為沙河經雷神寨南太平
村北人遠村南合新口谷水西支流為廣濟渠
經坡下傅家磨商家磨南神寨盧家村小麥屯
黃傅寨新寺頭至西關入城隍東西分流至厲
壇合馬家河北入渭

清涼寺東泉 流至淳沱寨合嶺東時家山泉

入沙河

竹谷泉 北流轉西南橫嶺下有竇水直下灌

田百畝

曲泉 名曲連屯今名鐵鑱屯騰湧激湍數沒

民田

新口谷水 西正流經馮家山棗林村至人遠

村合沙河至千旗寨新軍寨至縣二里尖角村

入渭東支流經四女塚火燒莊汲食

熨斗谷水 北流棗林村馬洮北合虎谷水火

燒莊北合新口渠經大寨祁家寨西窩店子北入盧家河

白龍泉水 與玉女泉通上擊鐘聲自泉中出
韓谷 在黑水谷內三里入黑水谷

黃谷 在黑水谷外

玉皇閣谷 在黑水谷南八里水入黑河至紅

崖頭分爲盧家河西岸有五堰灌紅岸頭西姚村馬家村李家村郭家寨張野狐村上下高村祁家寨崖頭地東岸八里爲一堰灌上下沙谷

堆地北至高店東北入渭東岸一堰灌上下姚村地東南北三清店地周旗剛旗寨地北經泥河東司竹局阿岔村黑河灣入渭西岸至沙谷堆分爲泥河經紅花鋪東里黃寨西北入渭就谷水 東正流北至東三清殿軍寨東爲沙河經送賓村淇水新莊大堅社入黑河西支流爲渠灌李家莊何家村地北注於渭

飛昇谷水 經魯馬村焦家巷西入就谷沙河

西觀谷 經魯馬村焦家巷東至大谷村北入

就谷沙河

東觀谷 東為臥牛池西為化女泉東北經樓觀村宗聖宮玉華觀省村入磨渠

聞仙谷水 東流自顯靈山經洪妙庵會靈觀至樓觀村入磨渠

赤谷漏水 西正流東支流為渠俱灌水田軍寨地又北經六曲馬蓬頭合牛谷水至南寨澗

裏為澗河經馬村臨川里神策莊東北入渭牛谷 東北至南集賢合壇谷水經六渠東馬

蓬頭合赤谷水

壇谷 南有紅石洞洞中有山泉谷水自上直下衝二石壇至南集賢西合牛谷水

耿谷水 名白馬河離谷口三里分為二道一從正北行經馮尚鋪唐家村宮家莊張家屯至

臨川寺西北三里入渭一從東北行經千戶村懷道村胡家村晉家莊水雲屯至臨川寺東北

五里入渭又東西二支流為二磨渠西渠至祖磴孫家寨東渠至千戶馬營倉俱灌溉軍民田

按水經注耿秉以章和二年爲征西將軍封美陽侯邑曾屬美陽

六耳泉 惟一泉存五淤塞矣

甘谷水 正流至李家寨東分東西二支西經雙溪鎮西爲沙河至原馬店宋村東北入渭東經雙溪鎮中爲瑞福河至成道宮北灌田

石鏡谷水 東流經曹村晏家莊汲食灌田

澇谷 岸西爲本縣界東爲鄂縣界水正流經鄂地支流爲渠至侯王村以渠爲界北歸渭

廣濟渠 明知縣鄭達疏自駱谷至城西循郭而東合白龍五花張家河馬家河以溉民田日久淤塞

皇清知縣駱鍾麟重疏水大通濬民甚利之

興龍渠 知縣梁克順疏係廣濟渠支流溉新寺頭南望處田數頃今淤

白馬河 知縣鍾麟修先是水東北行者霖雨岸圯衝決爲害癸卯歲知縣率紳衿耆庶督修通利水循故道其正北行者至宮家莊淤塞衝

決二十餘年知縣現經營修築疏濬通復一如前法沿河俱免崩蕩又有龍灣渠阿岔渠新興渠大堅渠羅山渠天井渠蘿葦渠皆知縣梁克順修今灌田十之七

倉谷水 出谷灌田百畝今淤西正流經郿地東引支流爲葦谷渠北經塌廟渠頭至青化鎮散沒縣界巡道王三聘修之始免沮溺之患

渭南縣

漕渠 在縣北一里來自臨潼東入鄭縣今涸

杜花谷水 在縣西南一十里

東陽谷水 在縣東一十五里

西陽谷水 在縣西一十里二水北流至分水

嶺分東西流利灌溉

天應水 在縣東南

小谷水 在縣東南

清水河 在縣東二十里卽赤水河

義隄 史義伯築以障渭河者在渭河北

龍泉 灌田宜稻

瑞泉 在縣境

金氏陂 唐武德三年引白渠溉之以置監屯

富平縣

鄭國渠 來自涇陽界東流至縣民獲其利

北白渠 來自三原界溉脾陽大澤豐潤三鄉

田四十里有斗門一十五所其水東入漆沮河

官渠 溉田一十里

文昌渠 溉田一十五里

永濟渠 溉田二十五里

順陽渠 溉田一十里

石水渠 溉田一十里

永潤渠 溉田三十里

白馬渠 溉田二十里

永興渠 溉田二十里

洞子渠 溉田一十里

永壽渠 溉田一十里

長澤渠 溉田八里

陽九渠 溉田二十里

金定渠 溉東西渠村以上引石川河水

堰武渠 溉田八里

小白馬渠 溉田五里

中渠 溉田一十里以上引梁家泉水

懷德渠 溉田一十五里

直城渠 溉田一十五里

順城渠 溉田一十里

玉帶渠 在縣北門外分懷德渠水由溫泉石

橋槽水南至縣隍以上俱引溫泉澤多泉水

順陽渠 灌田一十五里

薛家渠 灌田二十里俱引東河水

孫家渠 溉小惠村等田

朝陽渠 灌鄒村等田俱引河水

漆沮河 又名石川河自耀州華原縣界流入

縣內

金定河 在縣西即澗谷河下流

溫泉河 在縣北門外

潼河 在三尺嶺北導由趙老峪入順薛二渠

可灌山前田一二千頃明知縣時秦將議疏鑿
會陞去不果

澤多泉 在縣北

澗泉 在縣北

石川堰 在縣南五里

常川堰 在縣一十五里

龍門堰 在縣南二十里

富平堰 後周賀蘭祥拜大將軍太祖以涇渭

灌溉之處渠堰久廢乃命祥修造富平堰引水

東注於洛用溉民田甚獲其利

判官渠 起岔口迄紀家灣灌田十里

通鎮渠 即老永濟渠也初灌田三里後湮知

縣劉兌疏之由莊里鎮尾接遞鋪東溉灌田十

五里

白石渠 起壇山寺至張家河三里

新渠 凡三起西魏頭灌澗裏地五里

寇萊公渠 起閻良村經華陽張橋灌渭南田

有故迹世傳萊公修者灌河東田

洞子渠 起十八坊灌鐵佛寺田十里

普濟渠 在聖佛寺明隆慶間楊士廉告穿縣

西之中山引溫泉水灌縣之南郭田也

東河 自趙老峪出分而為二派東曰順陽渠

西曰薛家渠

西河 合盆傾三泉二峪水南至河東

醴泉縣

白渠 在縣東北七十里

洪口堰 在縣東北四十里灌仁義等里田元

英宗至治初陝西屯田府言自秦漢至唐宋年
例八月差使水戶自涇陽西仲山下截河築洪
堰引涇水入白渠溉田七萬餘頃

商州

商顏渠 在州東引洛水至商山下

普濟渠 在州北引黃沙溪及少谷西平二泉

入城以資日汲

丹水 在州東二十里見灌張村龍車寨田數

百頃

洞子渠 起十八坊灌鐵佛寺田十里

普濟渠 在聖佛寺明隆慶間楊士廉告穿縣

西之中山引溫泉水灌縣之南郭田也

東河 自趙老峪出分而為二派東曰順陽渠

西曰薛家渠

西河 合盆傾三泉二峪水南至河東

醴泉縣

白渠 在縣東北七十里

洪口堰 在縣東北四十里灌仁義等里田元

英宗至治初陝西屯田府言自秦漢至唐宋年
例八月差使水戶自涇陽西仲山下截河築洪
堰引涇水入白渠溉田七萬餘頃

商州

商顏渠 在州東引洛水至商山下

普濟渠 在州北引黃沙溪及少谷西平二泉

入城以資日汲

丹水 在州東二十里見灌張村龍車寨田數

百頃

山泉渠 舊灌田三十七頃四十畝六分零明
初新修泉渠陵谷變遷人無遺力地無餘利州
河之支委潤之源春夏蓄水砂石障流開墾田
一千九百六十五頃二十七畝七分零遇大旱
多涸

鎮安縣

乾祐渠 在縣北九十里
鎮安河 在縣南門外
乾祐河 在縣東三里

永安川 在縣東五十里

秋林川 在縣東七十里以上四水俱資灌溉

雒南縣

大渠 在縣南

小渠 在縣西二渠今廢

雒南河 在縣南二百餘步

南河 在縣東南九十里以上二水見資灌溉

山陽縣

花水 在縣南一百里

青崖水 在縣東南一百二十里

澧水 在縣南

甲水 在縣南一百二十里

箭水 在縣東南一百一十里以上五水可資

灌溉

商南縣

兩河 在縣南四十里

冰河 在縣東門外

清油河 在縣西三十五里以上三水見資灌

漑亦有衝崩之患

同州

洛河 漢武帝時嚴熊言臨晉民願穿洛以漑

重泉以東田萬餘頃可令畝十石於是發卒萬

餘人穿渠自澂引洛水至商顏下乃鑿井行水

井渠之生實自此

龍首渠 漢時穿

臨晉陂 魏青龍元年司馬懿所築引洛漑焉

鹵之地數千頃

九龍泉 在州南八里

蘇村泉 在州西南五十里明嘉靖中修渠導

水灌田

紅喜泉 在州西南四十里平地湧出溉田百

餘頃

坡底泉 見資灌溉

馮村泉 見資灌溉

北莊泉 在州西灌田宜稻

朝邑縣

沮水 在縣北可資灌溉

金水河 在縣北五十里源出郃陽流入本縣

民受水利

苦泉 在縣三十里

通靈坡 在縣北四十里唐開元中姜師度為

同州刺史引洛水溉朝邑河西二縣又闕河以

溉通靈坡收棄地二千餘頃為上田今廢

郃陽縣

白泉 在縣東南

溫泉 在縣東南

灰泉 在縣東南四十里以上三泉今沒入河

臨晉陂 魏司馬懿所築引洛漑烏鹵之地數

十頃今廢 按陂與同州相連故並載之

鯉澆 在縣東

東鯉澆 在縣東

王村澆 在縣東

渤池澆 在縣東

夏陽澆 在縣東以上五澆瀕河平地湧出其

大如輪水清冽民資灌溉之利甚溥

陽班湫 在縣東南五十里唐貞元四年堰洿

谷水以漑田今廢

澄城縣

洛水 在縣西二十里

澂水 一名官水在縣西三里人多資汲

泉河 在縣西二里

三泉 在縣東北十五里其源有二復合為一

足為民利

玉泉 在縣西北五十里引流灌溉

芳泉 縣井深三百六十尺苦無水遠汲三里

澗中明弘治間知縣徐政即預備倉旁鑿一井

自扁曰芳泉

徐公井 明嘉靖丙午知縣徐效賢擇城中隙

地鑿四井以戒不虞取汲稱便名曰徐公井

雙泉 明嘉靖庚戌知縣敖佐因城中水鹹即

社稷壇鑿二井清且甘祭祀飲食神人共賴

白水縣

鐵牛河 在縣北三十里皆遶五泉東入洛

韓城縣

澇水河 在縣南一里隄為五堰溉田四十餘

頃

華州

敷水渠 在州東南四十里唐開元中姜師度

疏鑿以洩水害刺史樊忱復鑿之使通渭漕源

出大敷峪支分灌田雨澇時為害亦大

利俗渠 在州西南二十三里唐開元四年詔

陝西刺史姜師度開華州鄭縣二渠曰利俗引
喬谷水以灌田

羅汶渠 在州東一十五里引小敷谷水以灌
田

東溪水 旁有泉以益溪流支分灌田經灌之
村稱曰水莊

西溪水 分流灌田

石橋河 在州西一十里

海眼泉 一名五眼泉在州西南一十五里見

資灌溉大旱不竭

白龍渠 在州東

天鵝池水渠 在州西

磨渠 在州東土人行水磨於沿溪下

甘泉 在學宮右柳巷街側深四五尺甘冽殊
常古今無盈歉之時亦地氣之良源也

華陰縣

磨渠 在縣東二十五里灌定城公莊田近百

頃水分四十一溝凡四十一日一周分水多寡

以修廟出金為率有碑記之民得出券相售澇則歸於溝河

靈應泉渠 在縣東二十里灌泉店定城及花家寨田約五十餘頃水分三十六渠凡三十六日一周

醴泉渠 在縣東南觀北里水清甘古志稱其屢招鳳飲莫可攻也經華嶽觀馬蹄村北潞嶽廟魚池與竇谷之水計日遞入餘日則灌民田敷水渠 在縣西三十里源出大敷谷明萬曆

二十三年知縣韓應奎開渠經理民獲其利水漲則盈溢為害

蒲谷渠 沿水崖分為二東渠灌爨家村北至賀家村西渠灌蒲谷屯蔡家村嚴家池及馬村段明渠 引潼谷之水循山麓而西北由馬頭澗入吳村分為二渠西灌義賈段明坡頭東灌員莊

惠民渠 明正德壬申華州知州桑溥所開渠有三第一渠在構谷自彭村抵孟村入渭第二

渠在方山界自孫莊至西灘入渭第三則為縣之葱谷渠是二當在州一乃在縣也後皆淤塞州人遂開東西一渠一遇水潦直以縣之拖定普落等里為壑矣縣令王九疇曰權利害之別修南北渠州縣並獲其利修東西渠縣民獨承其害酌難易之分修南北渠是謂因勢利導理順而易行修東西渠是謂壅流激水逆理而難徇斯事理之大也

黃神渠 在縣東南十里上多水磨下溉民田

蒲城縣

平路渠 在縣東南二十里

常樂渠 在縣東南四十里

半坡塞渠 在縣東南

溫湯泉 在縣東六十里

白馬泉 在縣東南二十五里以上諸水見資

灌溉

漫泉 在縣西一十五里

浩泉 在縣西北一十五里今涸

蓮子池 在縣西北三十里

山陽堰 在縣北一十里舊圖經曰唐置陵寢

修此堰

耀州

漆渠 在州東南

退灘渠 在州東南以上二渠明成化時知州

鄧真開灌州城東南附郭田俱漆水

偃武渠 小白馬渠

中渠 大白馬渠 以上四渠自越城渠至

西乳山皆引梁家泉水灌富平嶺南橫水田十里大白馬渠過乳山南又兼引石川河水見資灌溉

烟霧渠 在州西北

甘家渠 在州西北

通城渠 在州西北三十里明永樂四年修通

澆灌附郭分其流於城中

水磨渠 在州西北

越城渠 在州西北灌城西南附郭田以上五

渠俱引沮水見資灌溉

同官縣 無考

乾州

莫谷水 在州西五里

甘谷水 在州東北二十里以上二水可資灌

溉

沙溝泉 在州東十里見資灌溉

武功縣

成國渠 在縣南十三里

五泉渠 詳見前

良溝渠 在縣北一十五里明永樂二年湧出

灌溉田園民獲其利入武功河

澣西溪 在縣南五里見資灌溉

六門堰 唐李頻為武功令有六門堰廢已百

五十年方歲饑頻發官倉備民浚渠按故道厠

水溉田穀以大稔懿宗嘉之擢侍御史

永壽縣

莫谷水 在縣北源出高泉山

武亭水 在縣西

分水 在縣北七十里以上三水可資灌溉

益民泉 在縣西北三里今廢

呂公泉 一名呂公渠在縣北五里宋嘉祐六

年呂大防疏引入城以資灌溉

邠州

洪龍河 在州西即過澗

南河 在州東即皇澗

大谷河 在州東三十里

水簾河 在州西十里以上四水皆可灌田修

築無方反為民害

惠濟泉 在州東五里四時常溢水甘美民資

汲之

三水縣

三水河 一名汎水在縣西南明總兵官杜應

奎教民疏引灌稻田數十頃

淳化縣

姜嫄河 在縣北四十里

長武縣 無考

潼關衛

潼水 在城南三十里

蒲峪水 在城南三十里

禁峪水 在城南三十里

麻峪水 在城南三十里

大峪水 在城南四十里

潼峪水 在城南四十里

水峪 在城南三十里以上諸水可資灌溉

四眼泉 在城中其水清甘居民資汲

周公渠 從南水關引潼水入城沿象山折西

北入道治以達學之泮池池滿出經府部街入

河渠深七尺寬四尺上盡覆以石條每百步鑿

孔任民汲水稱便明兵備道周相建也故稱周

公渠云

張公堰 明大理張惟仁建

Blank columns for text within a rectangular frame.



